

Summary of what we want your feedback on...

Together we can recover stronger.



Pikitanga o ngā rēti

Me kī he 40 ōrau ā mātou whiwhinga pūtea ka ahu mai i ngā rēti. Ko ngā utu mō ā mātou rawa, moni hua, pūtea kāwanatanga me ngā whiwhinga pūtea mai i ngā mahi arumoni ētahi tauira o ngā ara moni whiwhi a te kaunihera.

Nā te tino hekenga o ētahi atu o ā mātou puna whiwhinga pūtea i te 2020/2021 ka nui ake tā mātou whakawhirinaki ki ngā moni whiwhi mai i ngā rēti hei utu i ngā ratonga waiwai.

Ngā mea e marohitia ana e mātou

Engari, me whakapiki e mātou ngā rēti. Ki te kore, kua mate mātou ki te poroporo i ngā ratonga ka whakararu tērā i ētahi o ā mātou mātāpono matua. Ko ngā tautoko hapori, ngā whakaurunga hapori, huringa āhuarangi, tautiaki rori, he utu ora mā ngā kaiwhakapai mahi kirimana, me te whanaketanga ōhanga ngā wāhanga katoa ka kitea ngā poronga nui me ngā katinga pūmau. Ki te kore e whakapikihia ngā rēti, kua kore e taea te tino tautoko i a Tāmaki Makaurau me ōna hiahia nui rawa.

I ngā rahinga o ngā pikitanga e marohitia ana e mātou me nui tonu ā mātou penapena, te hoko atu i ētahi rawa me te mino pūtea atu anō. Engari ka taea e mātou te mahi tahi me te iwi o Tāmaki Makaurau ki te whakapūmau i ā tātou ratonga matua, te tautoko i te hapori hei whakarauora me te noho tonu ki te ara e tutuki ai ngā putanga wā roa mō ngā reanga e heke iho. E marohitia ana e mātou kia whakapikihia ngā rēti arowhānui toharite mā te 3.5 ōrau ki tērā i whakaritea i te tuatahi, mā te 2.5 ōrau rānei.

Me whakaheke ngā whakapaunga, me whakarahi ake ngā nama me te hoko atu i ngā rawa i roto i ēnei kōwhiringa e rua.

Me āta whakahaere e tātou ā tātou nama kia taea ai te mino pūtea i tēnei wā uaua engari me mau tonu ki tētahi wāhi e taea ai te whakahaere, e tika ai mō ngā reanga e heke iho.

I ēnei kōwhiringa e rua ka whakaheke te rahinga o ngā kaimahi kaunihera wā tūturu, ka heke te hunga whai mahi puta noa i te ohanga o Tāmaki Makaurau whānui me te tōmuri o te whakatutuki a te kaunihera i ngā putanga rautaki nui.

→ SEE FEEDBACK FORM, QUESTION 1.

Te kaupapa whakatārewa rēti mō ngā kaiuturēti kua pā kinotia e te KOWHEORI-19

He maha ngā kaiuturēti kei raro i ngā taumahatanga ā-pūtea nā te KOWHEORI-19.

E marohi ana mātou ki te āwhina i aua kaiuturēti mā te tuku i te whakaaro ki a rātou kia whakatārewatia kia tērā atu tau rā anō te utu i ngā rēti o tērā tau.

Ko ngā kaiuturēti i a rātou ō rātou whare i mua o te 26 o Poutūterangi (i te tīmatanga o te Whakatūpato 4) kei te raruraru ā-pūtea, me te ū ki ngā whakaritenga me ngā here o te kaupapa e marohitia ana, hei te 31 o Hakihea 2020 te wā ki a rātou ki te tono kia whakatārewatia ā rātou rēti. Me utu he utu whakatārewa mō ngā utu huamoni me te whakahaere.

E tūmanako ana mātou atu ki te \$85 miriona te rahinga o te heke o ngā rēti ka kohia e mātou ā tērā tau, nō reira ka iti iho tā mātou whakapau ki ngā mahinga me ngā kaupapa kia tae mai ngā utu kua whakatārewatia.

→ SEE FEEDBACK FORM, QUESTION 2.

Te Whakatārewa i Te Rēti Tauwhāiti Kaituku Whare Noho

Ka kohia te Rēti Tauwhāiti Kaituku Whare Noho (APTR) mai i ngā kaituku wāhi noho me te tautoko i te kukume manuhiri me ngā taiopenga nui a Auckland Tourism, Events me Economic Development (ATEED).

Ko te āhua nei ka mau tonu ngā whakatiki mō ngā haerenga me ngā huihuinga nunui nā te KOWHEORI-19 mō tētahi wā nō reira e marohi ana mātou ki te whakaiti i ngā whakapaunga mō te kukume manuhiri me ngā taiopenga nui.

E tūmanako ana mātou ka tīmata anō tā mātou whakapau moni haere anō whakarauora i te rāngai tāpoi ina whakakorehia ngā whakatikitanga.

E marohi ana ki te whakatārewa i te APTR me ngā mahinga e utua ana tae noa ki te 31 o Poutūterangi 2021.

→ SEE FEEDBACK FORM, QUESTION 3.